

Gvangjsih Minzcuz Bau

Cawjguenj: Gvangjsih Bouxcuengh Swcigh Minzcuz Cunghgyau Swvu Veijyenzei

Cawjbanh: Gvangjsih Minzcuz Bause

Geiz neix 8 banj


广西民族报 Aenhauh okbanj: CN45-0036

B.2024 Nd.11 Ng.27

Liggaeuq gvapsaenz nienz ndwencib ngeihcaet

Geizsoq: Gungh daih 3647 geiz

Gaiq Daih Cibngeih Daengx Guek Siujsoq Minzcuz Conzdungj Dijyuz Yindungvei Haimuq



▲ Gaiq Daih Cibngeih Daengx Guek Siujsoq Minzcuz Conzdungj Dijyuz Yindungvei haimuqsik yienhciegz.

Vangz Yinz ingj

11 nyied 22 hauh, Gaiq Daih Cibngeih Daengx Guek Siujsoq Minzcuz Conzdungj Dijyuz Yindungvei 22 hauh youq Haijnanz Sanhya haimuq. Cunghgung Cunghyangh Cwngcigiz cangzveij, Daengx Guek Cwnghez cujsiz Vangz Huningz camgya haimuqsik.

Bangxhenz Nanzhaij, caez gvaq hoihhoengh. Ndaw Sanhya Si Dijyuz Cunghsinh, 56 aen minzcuz doxcomz giz ndeu, caezcaemh ciengqgok yaemwenq gyaendei Cunghvaz Minzcuz ranz vunz ndeu, doengzsim caezguh aen loqsiengj Cungguk. 20 diemj, haimuqsik cingqsiq hainduj, gak aen doih daibyauij caeuq yienhciegz 3.5 fanh bouxyawj ciepcoux guekgeiz haeuj ciengz, Daengx Guek Siujsoq Minzcuz Conzdungj Dijyuz Yindungvei hoihgeiz caeuq Gaiq Daih Cibngeih Daengx Guek Siujsoq Minzcuz Conzdungj Dijyuz Yindungvei hoihgeiz lienzdacmh haeujciengz, riengzlaeng daengx guek 31 aen sengj(swcigh, cizyazsi), Sinhgyangh Swngchancj Gensez Binghdonz, doih daibyauij Yanghgangj, Aumwnz caeuq doih daibyauij siujsoq minzcuz Daizvanh byaij haeuj ciengz. Gak doih daibyauij dingz youq biujyienj 30 miux, yienh'ok gij yienghsiengq cing-saenz ndei dazfwngz baenaj lwg gak minzcuz aen gyadingz hung Cunghvaz Minzcuz.

Haeujciengz sat, daengx ciengz ndwn hwnjdaej, ciengq gozgoz Cunghvaz Yinzminz Gunghozgoz, Vujsingh Hungzgiz menhmenh swng hwnjdaej, riengz rumz mbinfefe.

21 diemj, Vangz Huningz senhubu: Cunghvaz Yinzminz Gunghozgoz Gaiq Daih Cibngeih Daengx Guek Siujsoq Minzcuz Conzdungj Dijyuz Yindungvei haimuq! Yaepseiz, sing dopfwngz, sing hemqheuh goksadsad, Sanhya Si Dijyuz Cunghsinh nauhyied raixcaix. Riengzlaeng, hainduj yienheiq. Yienjheiq faen baenz "lajmbwn caemh meg" "Cunghvaz caemh ranz" "doxgiet itsim" sam aen biencieng, langhbaij le Cunghvaz vwnzva goek laeg riuz gya, ronghsagsag, langhbaij lwg gak cuz laeb maenh aen leixniemh doxcaemh ndeirwix doxcaemh, yungznayenq doxcaemh, dailix doxcaemh, minghyinh doxcaemh, doxgiet buekguh, roen moq haengguh, caezguh aen loqsiengj Cungguk. Yienjok satbyai ciengq《Danqciengq Guekcoj》, gak cuz bouxminz caezcaemh hohfuk guekcoj hungmbwk hoenghuengh. Haimuqsik gaxgonq, Vangz Huningz ciepraen le yindungvei cujveijvei daengxcungq cwngzyenz, boux daibyauij gak doih daibyauij caeuq boux daibyauij yindungyenz, yawjngonz le Cungguk Siujsoq Minzcuz Conzdungj Dijyuz Vwnzvancj, Haijnanz Cienzmienh Haeujlaeg Gaijgwz Hailangh

Caeuq Cungguk Daegsaek Swyouz Mouyigangj Gensez Cwngzgojcanj. De naeuz, aen Dangjcunghyangh aeu Siz Ginbingz dungzci guh goek gig yawjnaek hwnghat siujsoq minzcuz conzdungj diujuz, doiq banh Gaiq Daih Cibngeih Daengx Guek Siujsoq Minzcuz Conzdungj Dijyuz Yindungvei guh'ok baijbouh. Aeu haeujlaeg hagsib gvancez gij swhsiengj youqgaenj mizgven gyagiengz caeuq gaijndei hong minzcuz Siz Ginbingz cungjsuhgi, dingjmaenh doxgiet haengguh, guh ndei boux hengzguh

couqmaenh gij eijsik caezcaemh Cunghvaz Minzcuz, aeu yindungvei banh baenz aen hoihhoengh gak minzcuz daihlienzyuen, Cunghvaz Minzcuz ranz vunz ndeu; dingjmaenh soujcingq cauhmoq, guh ndei boux fatyengz gij vwnzva conzdungj maenhndei Cunghvaz, aeu yindungvei caux baenz aen hoihhoengh cienzmienh langhbaij Cunghvaz vwnzva, Cunghvaz vwnzmingz, dingjmaenh caezhoz comz rengz, guh ndei boux hwnqguh gij yendaiva yiengh Cungguk, aeu yindungvei banh baenz aen hoihhoengh saenqhwnj saenqsim, gietcomz simvunz, gikcoi sim bouxminz, gikcoi vunzlai gak cuz caezcaemh haengqrengz bae hwnqguh aen guek ak minzcuz fukhwng.

Cunghgung Cunghyangh Cwngcigiz veijyenzy, Cunghyangh Duncjcanbu bucangj Siz Daifungh camgya haimuqsik. Cunghyangh Duncjcanbu fubucangj, Guekgya Minzveij cujyin Banh Yoz gangj gij vah haimuq, Haijnanz Swngveij suhgi Funz Feih gangj gij vah angqoux, Guekgya Dijyuz Cinggiz gizcangj Gauh Cidanh cujsiz haimuqsik.

Gaiq yindungvei neix guh 9 ngoenz, 6960 boux yindungyenz gak cuz camgya 18 hangh doxdax hanghmoeg caeuq 170 aen biujyienj hanghmoeg doxdax. Mboengq yindungvei lij banh minzcuz daihlienzyuen daengj vwnzva hozdung dem.

(daj Sinhvasse aeu daeuj hoiz)



▲ Gwnz haimuqsik, doih daibyauij Gvangjsih dingz youq biujyienj.

Vangz Yinz ingj